

四庫全書

集部

欽定四庫全書

集部

石倉歷代詩選卷

二百九十八至三百

詳校官庶吉士臣龍廷槐

侍讀臣孫球覆勘

總校官進士臣朱鈐

校對官中書臣范來宗

謄錄監生臣吳宗秀

欽定四庫全書

石倉歷代詩選卷一百九十八

明 曹學佺 編

明詩初集十八

王恭

遊天台國清寺

飛步赤城標，連峰積空翠。
杳靄蔥蒨間，千秋隱靈異。
石橋孤鳥外，香界清輝裏。
羣壑澹歸雲，遙林引寒吹。
遂造

豐干盧嵒蘿覆溪外真僧五百人了了西來意願此學
無生超然謝塵滓

擬古

明月照我室攬衣起中堂北風卷帷幔羅襪微有霜崇
蘭委芳質寒蛩啼近牀平生所親者宛在天一方相思
無由理況此寒夜長單居易為感不覺涕沾裳

秋日山行

清秋發佳興著屐窮翠微鳥度黃葉澗猿啼白雲扉野

寺隱孤磬遙峰當夕暉浮雲澹空宇石瀨清心機緬懷
蘇門嘯願拂林中衣長歌望薜蘿思與塵世違

仲秋送人之塞上

河洲始鳴雁白露沾我衣念子背鄉國秋風度金微舉
頭見黃葉條忽四散飛如彼遠遊子漂泊何當歸人生無
百年會面安可稀行當慎霜霰皓首以為期

經友人故宅

策馬孤城下經過淚盈襟閒門絳蠨蛸井竈莓苔深念

彼泉下人悽然杳難尋
蕭條故籬菊識我平生心
攬轡向前路徘徊出寒林
誰知山陽笛惻愴猶至今

雨夜舟中作

落日浮洞庭宵分逗煙舸
側聞巴陵鐘遙愛君山火
片雨潭上來涼聲滿高卧
龍鳴秋籟寒蛟泣靈珠墮
瑶瑟何淒其蒼梧曉來過
誰能問重華空鼓瀟湘柂

林思器席上燕別高漫士得思字

月出東大堤含輝正流麗
同心以綢繆何乃生離異
置

酒登高臺臺中筦絃思臨觴不能御恨恨心已醉憶昔
俱少年眷言不相棄及茲別離時衰境條已至念君遠
行遊嚴駕越淮泗阿閣入雲中皇居儼迢遞京邑多故
人誰為顧微細恨無晨風翰隨君發遐裔浮雲東南翔
夕景忽西逝安能守窮賤皓首以遺世

送林彥賓重廬州省兄

斗酒不忍別空歌歎離羣夢隨楚天鳥心逐淮山雲九
月梨花紅千門響砧杵朝拂車上霜暮投月中墅一別

連枝幾斷魂秋風又念鵲鴿原此行莫作分飛雁看爾
雙雙歸故園

與同志汎舟得淨字

登艫發清嘯落日鏡湖淨微月波上澄歸雲鳥邊迥水
木生夏涼孤崖破陰暝矧茲簪佩同復此滄洲興中夜
棹歌還遙峰響烟磬

九月一日過崇信蘭若

荒山響清梵竟日無行跡釋子支遁流相逢澹空寂雲

歸天際閒鳥度林中夕境淨秋色多心遠羣機息妙契
兩忘言微鐘出蘿薜

清江散人為林孔逸寫前林過雨圖

清川帶長林雨後宜水木澹沲天影寒孤光霽人目歸
雲澹空青虛窗響懸瀑日夕山氣佳心閒道機熟烟際
下遙鐘西巖數峰綠

書金碧山水

羣峰絢金碧積水澄天鏡叢木生夏涼孤雲破朝暝波

深魚鳥同地遠衣冠勝意愜遂忘機神閒庶遺境擾擾
塵坭中吾將弄烟艇

題畫

鴟冠飯雕胡分與時人淺道存心自玄豈必泉蘿遠綠
水淨鳴琴空林對虛館山中春桂枝倏爾飛霜滿寄語
青雲人投簪事應晚

題高漫士山水圖

山郭雨新霽孤雲濕猶飛嵐嶺隱空翠石林閒清暉時

與同心人逍遙愛荆扉都無浮世累共我飯蕨薇日夕
笑分去微風拂蘿衣

虛白子水墨圖為陳思孝題

開圖見嵩少妙趣忽已領濛濛花源陰窈窕多靈境石
洞閔苔紋天窗逗雲影迎秋鷗冠涼先雪荷衣冷長夜
何所聞龍鳴在西頂

羽林少年行

生少事嫖姚出身羽林子力戰三邊豈顧身報讎千里

曾輕死相看雪，
冰氣如虹白。
日橫行都市，
中鳴鞭走馬。
入州縣，
紛紛郎吏爭趨風。
自言家住邯鄲陌，
出入金門侍君側。
門前不數五侯賓，
醉裏常輕二千石。
日晚長楸校獵歸，
可憐人馬生光輝。
自矜恩寵常如此，
大笑傍人終布衣。

古從軍行

少小事嫖姚，
辛苦烟塵裏。
力盡三邊竟未歸，
身經百戰常輕死。
古戍蒼蒼絕塞邊，
黃沙白草暗祈連。
將軍金印

不得佩麾下鐵衣今已穿往來陰磧狼山下破訥峰南
戰初罷走馬交河雪下時洗兵瀚海鴻飛夜戰骨蕭條
翳草根邊烽寂寞照營門只知邊將封侯貴不見沙場
愁斷魂

陳思孝石田山房

阿誰書室山陰墅舊是郎官棲隱處山頭先雪剪茆茨
石上開雲種禾黍黍黍秋香酒滿杯綠蘿花發映莓苔
龍龕樹底鐘初斷金漆湖邊月又來柴門盡日人稀到

山葉無風自飛墮階下紅泉鳥飲殘谷口青泥鹿行破
憶昨郎官未仕時石田茆舍此栖遲青山醉逐漁樵伴
白眼羞逢杜宛兒金陵大道青天上別後丘園也惆悵
四壁寒蛩夜夜聲一簾草蔓青青長往事浮雲共渺然
風流嘉政歿仍傳舊篋愁看書尚在開門時見榻邊懸

題張師夔木石

荒村怪石連樹根古苔蒙茸野棘繁蛟龍騰空虎豹蹲
寒霜落葉啼清猿石門窈窕通仙源我欲飄飄絕世喧

櫟山老人無復存
徃徃人間驚墨痕
夢著銀簫亦斷魂
垂蘿飛鳥如可捫
石泉泠泠洗心言
白雲飛來誰與論

書香山九老圖

唐家名臣白居易
暮年脫略青雲器
抗節羞趨當路門
拂衣起謝人間事
以茲踈散愛香山
洛下羣公亦遂閒
玉堂金馬俱殘夢
流水孤雲同去還
石樓烟樹朧朧見
八節迴灘瀉秋練
雲衣落落古松姿
鶴髮皤皤凍梨面
人生宦達應如此
豈必浮名絳青史
楚國三生少見機

竹林七子徒為爾名遂身間古所稀洛陽山水饒清暉
青山何處無佳賞白首湮沉空布衣

送林彥衡子婿遊漢赴嘉禾吉期

蜀葵初黃柳飛雪棹歌聲裏行人別別思空隨海上波
客心已醉吳中月嘉禾山水盛繁華才子今遊若到家
金屏射中雙棲鳥紅燭爭開並蒂花問君今年二十幾
大顙疎眉有如此少君不愧鮑家郎樂廣應奇衛公子
冰玉相親情更多泮林官况近如何為言白首甘藜藿

豈望青雲到薜蘿

空江秋笛浮丘鄭助教索予賦之

桓家野王弄秋玉流落秋亭半枝竹君山老人何處歸
夢入瀟湘洞庭曲浮丘仙客五湖心復向滄波學鳳吟
不吹玉塞梅花調不奏青樓楊柳音商聲遲遲羽聲急
寒葦飛花露香入水靈解佩撇波來山魃吹燈倚雲泣
萬事無心一葉舟夜寒星斗落船頭數聲絕島魚龍曙
三弄澄潭雁鷺秋初聞鳳在岡修爾鼉吟水天籟風泉

何處鳴落木寒猿一時起浮丘子通靈仙汗漫終懸魏
闕情曲終又欲蓬萊去日抱雲璈朝玉京

箏人勸酒

新豐美人青樓姬絳裙素腕嬌雙眉暫歇秦箏勸郎酒
西涼蒲萄金屈卮郎君但飲休辭醉百年悠悠夢中是
神血朝凝不復知日暮青山北邙裏迴身更整十三絃
金雁離離繞鈿蟬十二闌干月將墜錦筵紅燭浮青烟
人生歡樂那能久豈悟星躔倏奔走妾容未改君少年

日日樽前勸君酒

妾薄命

玉釵墜地無全股，雙鳳蟠龍兩分去。
雖藏匣底終棄捐，欲賣旁人不可直。
錢輓轡宛轉黃金井，手挽銅鉞繫纖綆。
誰知綆斷鉞墜泉千尺，深沉不窺影。
銅鉞墜泉釵墜地，君心何得生離異。

東樓歌

東樓美酒黃金杓，客子迎霜葛衣薄。
西樓朝飯盤有魚。

客子家林無斗儲他人方寸那堪托傾到三杯吐然諾
咫尺相看隔九疑不待明朝異山嶽君不見牙籤緗帙
滿牀頭不及雷塘百畝秋君不見誦詩三百徒為爾秦
青一弄傾人耳滄波去去堪乘興野鶴孤雲本無定毛
生自薦祗徒勞魯連豈顧千金贈行路難難重陳史雲
只合長苦辛落拓還騎少游馬往來嵩華青山下

歌行奉餞閩守姑蘓陸公秩滿之京

吳門山水多奇秀使君獨繼宣公後錦袍新繡鷺絲紋

銀印低垂虎頭綬闔城官柳拂雙旗花裏行春五馬遲
訟庭幾度聞鳴鵲仙館三回見荔枝功成又欲朝京去
遠心已結南宮樹枇杷開花鴻雁霜此時正及鄉山路
車傍父老持百錢馬上同官惜別筵冠帽好借留河內
黃霸終須出潁川金陵客舍春還早快馬輕裘滿馳道
使君行篋但蕭然惟有貞元諫書草

書樂邑長史高涼黃公性成六平清致

軒丘之人何坦蕩奮身擬在蕭曹上三語曾聞作掾名

一言尚遇知音賞誰云枳棘不棲鸞暫屈長才向小官
月俸持還酒家去春衣猶似帝京寒六平峰下開仙館
案牘閒時任蕭散南澗飛泉卧內清西林爽氣朝來滿
自從下馬少鞭笞隣邑爭傳贊畫奇遂使郎官惟坐笑
每逢才子即聯詩有時獨上橫琴石萬水千峰起遙憶
金馬長懸魏闕情銅魚不記鄉山色南宮考績待朝天
莫笑行囊但一錢應知太史求循吏籍籍聲名繼潁川
為陳必尚題山水圖

太常積飛翠朝夕侵我廬嚴公湖上水色映靈臺虛雁
峯列屋三山峭散帙鳴琴亦高妙半榻閒雲鶴夢醒一
簾初日藤花笑顧余性癖愛清暉終日相過盡醉歸幾
度離家聲別調何時恩許卸朝衣黃花九月高樓酒無
那明朝又分手座中應感去年人馬上空攀未霜柳酌
酒看山興暫同君家兄弟氣如虹萍蹤自愧無南北聊
寄相思水墨中

龍龕燕集

并序

新寧有佳山水而龍龕又山水之尤佳者也
搢紳鉅公往往輩出由清淑扶輿鍾秀所致
也今年夏浮梁丞陳思孝服闋將赴天官予
走送海上因造茲山丞迺率其族人賁酒饌薦
香爐峯憩望海亭抵水樂堂遂觴予金仙之居
少長咸萃凡十餘輩既酣丞昆季果之衛之舉
酒屬予賦詩辭不獲已遂書于壁聊紀一時之
會

蓮宇最高處青蘿隱丹梯鐘鳴海色動四壁聞天鷄
簌竹蒼梧埜翠分石林陰洞未歸雲香爐峰小開窗見水
樂聲寒隔坐聞迴風颯颯吹松栝落日澄潭見毫髮龍
眠水底呼不醒千歲寒猿雨苔滑而我發遐想興來隨
所之緣雲踏鳥道披荒上天池天池色映黃姑水手接
飛藤洗雙耳鬼谷仙源杳靄間雁蕩天台只如此望海
亭中載酒來石楠花氣拂金杯葛衣醉倒繙經榻紗帽
狂歌施食臺龍龕法侶心無垢宴坐禪扉說空有玄度

難酬支遁詞鑿齒曾于道安厚浮梁少尹欲朝天羣從
相看惜別筵遙想五雲雙闕下時時飛夢繞林泉

書陳思中鐘山草堂

東人結廬雲水間有時飛夢遊天關西入白馬長安道
身寄玉堂心在山草堂只在鐘山口石門南頭大溪右
古木垂蘿遶四簷紅泉翠壁當虛牖憐君白面魯諸生
却愛幽居隱姓名興來滿載東山酒春至還尋谷口耕
卷幔橫經坐曲房穿林著屐采芸香天寒煮茗僧同榻

月出彈絃鹿近牀
巖扉近舍多幽處
向子何須更長去
心遠能忘朝市喧
機閒自得煙霞趣
獨鶴孤雲任此身
至人舒卷道為隣
草堂亦有山靈在
莫學周顒却笑人

書高漫士為道人遊月窻作水墨圖

茲山連峰勢磅礴
空翠濛濛坐中落
始悟方壺醉裏塗
復訝商公興時作
竹澗堂臨溪水濱
龍門墨客問通津
相逢大醉仙家酒
戲墨持歸鶴上人
鶴上仙人與山好
每見此山應絕倒
雲斷嵩丘少室閒
龍鳴華頂天台早

我也平生苦愛山塵緣未割竟何顏願隨飛佩花源去
一見秦人遂不還

送憲吏鄭彥林考滿赴吏部

我昔維舟東上潭見君家住岐陽南門垂栗里先生柳
身著栢臺從事衫前年寄詩沙頭道去年期我山中草
足馬今年又別離斗酒何年共談笑今去皇州霜在潭
况逢淮樹葉初酣吳女當壚卷細袖白門燒酒破紅柑
人人盡道山公好于爾長林無不堪

書梅江陳汝疇家藏古畫

吳絲半幅無全縷越樹淮雲楚天雨兵燹流傳不記年
丹青漫滅空存古絕壁連峰窈窕間劒門迢遞對荆關
疎鐘遠火褒斜谷落葉秋風子午山西遊去去羈塵綬
草衣筍笠今何有箕山不見棄瓢人渭曲難逢釣魚叟
君家父子愛林丘靜裏乾坤不著愁南塘耕畢閒看畫
醉倚千金水上樓

贈溫陵王玉堅遊京師

王郎解劒還鄉里六年不夢軍中事
垂竿靜釣鼇江雲
買舟忽過梅城水
自說年來愛遠遊
東裝今去上皇州
溪行笋笠三山雨
水宿蒲帆五月秋
棹歌明日過京口
我亦西遊今白首
分手前程莫歎嗟
白門相遇應沽酒

老將行

生小事邊州
罷歸頭盡白玉門
邏迤別來深雲鳥
魚麗
舊曾歷三尺吳鉤
兩斛弓絃在閒門
高閣中羽林一二
少年輩昨日封侯
欺老翁
翻思戰場裏
秋霜斷人骨髓

樓夜夜聲滿天盡是長平舊降卒

銅雀妓

朝上銅雀臺夕弄管絃哀灑酒望陵樹悲風千里回飛
縵絳青漢舞袖空徘徊君王不可見玉座成蒼苔

秋塘曲

妾家住寒塘夫婿平原客白馬五陵遊空閨斷行跡憶
昨別君時蒲生柳條碧及此君不歸登艫感秋色

暮秋過陳氏園林

幽人棲隱處苔逕連深曲秋至垂橘黃霜清大梨熟方池泛天影可以澄心目飲水共忘形何須徇榮祿

舟次潭津

木落川氣涼鴻飛水容夕微燈射遠沙夜榜隣幽石月色棲處寒霜花坐來白遙見九華峰蒼蒼但蘿薜

送林漢孟遊溫陵

月出螺渚寒扁舟水容夕獨樹起鳴猿遙山帶行客清源鐘磬音金粟煙蘿碧高唱人莫酬探幽向禪寂

方壺漁隱圖

滄浪深不極孤棹獨容與
白髮尚漁竿何心戀珪組
脩然水木興浩蕩沙鷗侶
回首莓苔峰蒼茫夜來雨

題鄭氏家藏古畫

涼雨靜氛壻孤雲結層陰
飛流激荒澗嘉木澄幽林
鳥啼谷中靜人間川上心
誰為後來者當期此投簪

書周造士扇頭

極浦澹野安遙峰寫修眉
清暉襲房櫳絢帙生華滋
嘉

爾日在泮還山仍下帷惟應結幽興與我琴心期

題畫扇面

山空水雲淨月出洲渚白寒葦梳幽風孤蓬逗秋色垂
綸久忘魚擊汰非干澤終愧坐磻溪皓首釣人國

塞下曲

雲中今已平軍士凱歌聲天地邊塵沒關山漢月明洗
兵秋度磧牧馬夜歸營多少還家夢中原有弟兄

其二

鐵騎向邊州生隨定遠侯戰餘闕月冷兵盡塞塵秋萬
骨纏沙草孤魂集成樓惟餘忠憤在須獻月支頭

其三

百戰皋蘭北長驅入塞垣陰雲橫敵陣朔雪度營門牧
馬邊塵黑鳴笳隴日昏辛勤看玉劍猶未答君恩

金陵送人落第歸江南

鳳臺寒日暮千里送君還別夢愁京雨鄉心結楚山落
花偏擁棹歸雁獨臨闌應醉家林月青雲好是閒

梅江夜泊

卸帆依暝渚帶酒宿沙頭
戍鼓嚴更漏寒鐘落釣舟
霜明城下水月暗海西樓
薄曉啼猿罷蒼蒼遠樹愁

客中聞子規

關路草萋萋楓林杜宇啼
思深湘岫曲聲斷郢雲西
故國春歸盡他鄉客去迷
淒涼聽漸近疲馬亦長嘶

古鏡

匣裏菱花鏡摩挲恨轉深
土花浮綠暈秋月閉寒陰
漢

女曾窺貌秦人已照心蛟龍今剝落徒爾折黃金

松寺清秋

迢遞青蓮宇雲邊事事幽松花山路晚鶴夢寺門秋黃
葉僧前落清泉屋上流所嗟塵累久那得此淹留

經漂母墓

寂莫淮陰路荒城接楚原誰能懷漂母曾此飯王孫孤
冢今猶在千金不復論身慚非國士茲去向何門

昭君怨

掩淚向邊州君恩此日休身隨燕樹遠心是漢宮愁雁
塞春難度龍堆草易秋玉容何足貴翻作羽林羞

送林山人入城

林棲無外事訪舊入東城漸失聞猿處多逢結駟行古
榕藏驛舍殘柳拂軍營薄暮遙鐘起紛紛薜荔情

書谷口雲深圖

連峰轉幽邃竟日白雲多峽裏非人境春深但女蘿仙
源空翠遠香界斷鐘和鷺鶴飄飄去塵蹤獨奈何

題黃聲玉環清樓

樓虛千嶂合水木澹清華積雨仙源白歸雲鳥道斜
寒衣凌野翠掩幔拂秋霞想見橫經夕蒼藤落數花

擬唐祖詠題韓少府水亭

少府愛清暉孤亭近翠微石林娛曉坐池水淨風扉
野鹿銜花過溪雲帶鳥歸何須謝纓冕臨眺始忘機

擬唐祖詠蘇氏別業

忘機依別業豐水帶南山野竹連孤嶼溪雲伴獨閒
鹿

鳴花外去鶴夢雨中還寂寂何人叩年年但掩關

送人奉使市馬

使節向宛西承恩出御堤千金求駿骨萬里得霜蹄漢
武思神驥燕昭重駉歸朝應早計首宿苑中齊

夏日遊碁山寺

載酒空門下林幽暑氣清半天聞梵語雙壁隱鐘聲野
鳥知禪意孤雲薄世榮何應謝塵事從此學無生

送中州林逸人歸龍塘

幽棲何處是積水近柴扉樽酒沙頭別輜軒月下歸竹
深林鳥待村遠故人稀遙想齋居裏狂吟竟落暉

梅江送林澤中歸嶼南

賣藥偏成隱相逢但布衣梅江秋外別花嶼雨中歸遠
火千峰夕遙鐘獨雁飛自言今白首此去故人稀

客中見新燕

可憐江上燕幾日到烏衣欲向誰家去多應舊主非落
花深巷小喬木盡梁稀自笑天涯別秋風想未歸

書陳思孟家藏古畫

絕壁凌仙梯連峰出孤鳥
天虛靈籟寒月隱泉蘿曉
長嘯入蘇門趺然足音少

題水墨小景

江城何人夜吹笛零落梅花曉
無跡仙嶠蒼茫隔海青
人烟寂歷連秋色何處征帆天際歸
夕陽楓樹鳥邊微
磯頭亦有垂綸者甘向滄浪老布衣

書漁樵耕牧四畫

石田新雨苔花碧禾黍秋香百餘石誰教釀作甕頭春
醉裏看山了殘帙讀書何必問時清縱有荒年莫廢耕
鹿門精舍青山裏春去秋來無宦情

耕童生小無所知慣騎牛背度晴陂橫吹紫竹無宮調
笑殺五陵游俠兒荒林野水涼蕭瑟山葉吹霜鳥邊落
信陵墳上草青青幾見殘碑礪牛角

題馬自牧水墨山水

鳥外懸蘿青幾峰紅泉翠壁花蒙茸人間不見問津者

林下空餘避世蹤
昨夜山中度涼雨
落木寒猿半牕曙
日夕天空鏡水深
不辨仙源在何處

吳城懷古

姑蘇城下刺蘭橈
却憶吳王古市朝
香輦路邊春寂寂
館娃宮外草蕭蕭
千年往事空啼鳥
半夜疎鐘自落潮
明發不堪回首處
暝烟秋雨過楓橋

賦得白雁送人之金陵

燕山榆葉望秋稀
雪羽瀟瀟向楚微
夜雨蘆花看不定

夕陽楓樹映初飛影隨漢騎營邊落夢遶燕姬笛裏歸
君到石城霜漸冷暮雲聲斷欲沾衣

送人貶海南

官亭幾度飲離觴此夕憐君謫遠方馬上看山柳葉暗
津頭沽酒荔枝香秋深嶺表猶多瘴臘盡天南尚少霜
憔悴更須懷直道臨岐何必淚沾裳

和林孔逸見寄之作

淮陰漂泊歎王孫生事蕭條一劍存春草閒堂思舊業

暮雲孤館寄荒村月明野寺同栖鶴
落葉寒山聽斷猿
傾蓋相逢誰似者且陪歌舞倒芳樽

寒夜宴別陳叔晦得霜字

縣城高館宴離觴共對寒燈別意長
孤嶂啼猿驚落葉
誰家殘笛度微霜雲山驛路遙相送
魚鳥滄洲舊莫忘
知爾懷人何處是秣陵春樹遠蒼蒼

送林彥賓之淮上省兄

斗酒何須惜路岐此行偏感鶴鴒詩
青山野店淮南暮

孤棹微鐘雪後時
猿斷危闌驚落葉
鴻飛滄海憶連枝
十年官冷英山下
幾度看雲悵別離

留別馮公魯兄弟

海國微霜葉已丹
玉壺清酒夜漫漫
天寒客路鴻聲晚
月落芳江樹影殘
情在不堪分手去
興來猶戀故人歡
惠連羣從偏能賦
一曲驪歌欲和難

為陳穀駿賦東墅閒居

習靜何須隱翠微
但聞心遠便忘機
窗臨絕嶼雲來近

門掩荒洲客到稀
木黍露寒秋釀熟
蒹葭霜冷夜漁歸
知君悟得幽棲趣
漫向清時泣布衣

近體留別楊二高隱客三山

別情羈思共何如
迢遞鄉山夢有餘
仙井碧泉思舊業
客庭芳草對離居
關河夜笛鴻飛外
海國春帆雪霽初
愧我萍蹤無住著
知君終食故江魚

寄蔣節庵鍊師

觀門迢遞碧蘿陰
塵跡空懷物外尋
滄海月明人去遠

瑤池秋晚雁來深孤雲野鶴悠悠別積水江楓夜夜心
遙想山中多勝事相思時復寄瑤琴

寄曾伯剛趙景哲

鴻雁南飛不寄聲暮雲春樹遠含情白湖高館何年別
青浦孤帆幾日行香界竹深僧共隱市樓花滿酒同傾
誰憐白髮滄江上閒倚東風聽曉鶯

送別林彥時之建上

黃葉紛紛秋滿天故人今夜惜離筵他鄉見月長為客

別路逢霜半在船
劒浦綠蕪連晚燒
幔亭荒樹帶寒煙
明朝碧水丹山下
知爾相思若箇邊

送兵衛從事考滿赴銓

幾年從事總兵機
千里輜軒入帝畿
驃騎別時多載酒
故人分處尚留衣
秦淮遠火春鴻斷
長樂微鐘晚雪稀
聞道宦遊西上好
莫將尊菜憶東歸

鷓鴣

綠樹殘春外
雙飛錦翼齊
長沙有遷客
莫向雨中啼

綠湖

雲歸蘋葉齊
雨積波聲小
日夕水容青
飛來雙白鳥

書陳平叔山水扇頭

鳥沒山意寒
漁歸水容夕
長嘯望林扉
微風動蘿薜

蘭亭懷古

祓禊亭中日漸低
昔人行處草萋萋
多情最是山陰鳥
啼向春風滿會稽

咏秋風

青蘋江上響瀟瀟
吹得林間萬葉飄
何處淒涼最關別
數株殘柳灞陵橋

挽方山闡維那

雙樹花飛送斷香
六時經梵轉淒涼
青山何處堪垂淚
殘夜疎鐘下影堂

老漁

生事終年在水鄉
龍鐘雙樹鬢如霜
于今不奈磯頭坐
閒弄兒孫卧草堂

僧房秋夜

古木寒巖坐入禪
碧蘿飛處一燈懸
蕭蕭天籟千峰月
夢落秋潭午夜泉

羌笛

雪淨陰山片月孤
數聲羌笛起單于
不堪吹作梅花調
多少中原客在途

咏秋風

朝來拂拂灑征衣
吹得關河葉漸稀
回首茂陵何處在

空餘汾水白雲飛

王安中詩刻十子集之外又有草澤狂歌一冊徐
興公屬予選之附于其後

賦得凌霄花寄友人

凌霄產朱夏因依鬱青蒼引蔓絙高樹垂陰近中堂炎
風媚朝景暑雨滋紅芳容華難久恃採折空自傷欲寄
同心者道遠川無梁諒非松柏操佇立徒慨慷

梅城小景

滄江湛回流荒城出花嶼海色明遠洲嵐光過新雨漁
家孤笛秋煙火疎林暮漠漠天際帆蒼蒼鳥邊樹若人
靜者流持竿得真趣取樂非取魚日斜忘歸去

題東華觀壁

林館隱空青鳥外三花夕藥草半庭閒煙蘿數莖碧陰
林絕行蹤曠古多靈跡獨鶴天際還寒流月中白偶與
仙人期塵心坐來息

鷓鴣啼懷林十二謫後

鷓鴣啼聲鉤輅空林積雨寒蕭索黃茆嶺上幾人行綠
樹村南萬花落鷓鴣啼聲格磔誰使霸陵遊翻成夜郎
別惆悵偏傷行路心苦道行人行不得昨憶王門聞曙
鷄今朝愁聽鷓鴣啼驛樓宮樹曾不悟旅舍郵亭應始
知鷓鴣啼草萋萋長淮路去勿迷

霜天曉角

女牆啼鳥天已霜玉龍一聲愁斷腸商聲淒淒羽聲切
畸士孤臣皆惋傷玉門斥堠連沙漠置酒軍中少歡樂

鐵面將軍慘不驕
碧眼邊兒淚先落
洛水蕭條渭水頭
隨風悲壯五陵愁
可憐金粟驪山下
誰識千秋萬古愁
自從棄置江淮久
幾處聞之先白首
暝色摧殘隴上春
風光不度邊城柳
今宵縱酒敢接羅
雪花著人寒不知
鹿樵別後聞吹角
與君因此長相思

海上贈別駕馬英

杜陵才人新豐客
劒佩相隨舊鄉國
縱酒狂歌梧葉秋
遠遊夢著邯鄲陌
黃金高臺無復過
青雲失路古來多

諸侯貴門君不到五陵豪氣今如何我今家貧誰比數
黃葉秋風滿窗戶半室閒棲嶺上雲一瓢獨飲山中樹
薄俗紛紛那可言暫時貧賤不須論君看舊日揚雄宅
寂寞蒼苔空閉門

雞公壘

荒崗古墓雞籠邊蔓草離離生野煙狐狸養子隱荆棘
烏鳶作巢銜紙錢石麟埋沈土花濕雕磚剝落樵人拾
天陰螢火暗復明月下精靈語還泣此墳未必無子孫

夙昔傳聞皆宦門浮榮一去不復盛空餘古木啼清猿
誰家新冢高數尺又買西家墳上石憶過秦中北邙路
喪車麟麟冢無數黃金買山葬死灰昨日官軍斫墳樹
崩塋斷壙襟苔痕觸牖無聲眠草根生前意氣動山岳
身後淒涼邈九原

洗馬潭

苔髮毵毵古潭淨奩淪積水流天鏡昔人牧馬今不還
蔓草繁花自相映憶昔前朝全盛時驂騑叱撥人爭騎

風流一去夢相似陳迹空為人所疑牧叟耕童閒來集
對此誰能感疇昔磯下從教鹿飲潭沙邊不管牛行迹
昨夜風雷繞太清青山髣髴聞龍鳴此中何代無英者
會見承平人洗馬

山中喜故人繡衣使者見過

谷口夜來雨閒門碧苔深單居絕儔侶鬱鬱愁我心臺
中故人舊相得別來不道青雲隔驄毛駿馬繡衣裳飄
飄來問山中客山中野人獨布衣十年分與故人稀薜

蘿深處開花徑猿鳥聲中候竹扉西遊不問行來久且
喜林間一攜手幾度空看海上雲相逢好醉杯中酒酒
酣擊劒歌未終樽前別思又匆匆羨君大隱金門裏嗟
予還卧青山中寥寥日將夕芳草萋萋謾相憶滿地殘
花送馬蹄天涯目斷愁難極

聞笛歌送人之塞上

橫笛對離亭扁舟越江口月下何人最斷腸天涯怨別
吹楊柳楊柳繁音愁復愁梧桐蕭瑟江楓秋長林半夜

葉皆脫積水三江雲不流長夜漫漫聽未了變羽回宮
猶嫋嫋越海天邊鳥不飛閩關月暗猿聲小須臾一曲
更淒清零落梅花滿楚城楚城迢迢接沙磧邊客聞之
淚俱滴黃埃積雪暗長關絕域窮荒草根白此夜愁心
獨對君明朝悵別又離羣單于城上吹羌管知爾相思
不忍聞

寄宿田家

日暮寄宿在田家谷口南風生棗花田夫歸來繫牛牯

向前問客何鄉土
厨頭喚婦具黃梁
樹裏携瓶沽酒漿
木綿作衾溪石枕
青竹為燈照吟影
田夫更語妻勿嗔
客子不是尋常人

送人復雷陽軍

十月河水寒北風
柳條折行人懷往
事恨恨不能別男
兒慷慨重橫行魚
腸三尺角弓鳴時
來看子請纓去玉
門何處烟塵生

古鏡

妾有蟠龍鏡秦王在時見瀟澀隱菱花蒼蒼蝕蟲篆浮
雲薄太清孤月沉秋練從此知妾心何由見君面

書靈山法堂

香臺隱鷲峰鐘聲雲蘿深半壁見燈影虛空聞梵音忍
草被幽石靈花曜陽林惟應虎溪水可以清塵心

九日

落葉滿秋山親朋杳靄間江村多雨外世難幾人還白
髮偏能長黃花好是閒聊將一杯酒漸爾解離顏

三谿贈陳澄清

書幌連溪曲春流拂樹過
野花雲際落山色鳥邊多
薄分違纓冕幽情戀薜蘿
欣逢魯中叟談笑復如何

送盧紀造士入京

官柳拂行塵孤城帶遠人
海天殘雪夜京樹隔淮春
白髮相知少青山獨夢頻
斯文應未泯行矣莫羞貧

夏日遊靈瑞寺

鶴石孤峰轉龍宮古道斜
如何在人境亦自有仙家流

水舟梯近歸雲覺路賒勝遊湏永日何必問生涯

送人奉使日本

扶桑東海際望望水雲深曉月都門淚秋風別使心
魚龍驚漢節獠蜃貢南琛且復勤王去歸朝早賜金

晚過龍門渡因訪高漫士

向夕龍門渡風潮半落霞暫停遊子棹得訪故人家
浦口魚罾近津頭酒幔斜踟躕那忍去乘月涉江沙

過皇恩舊寺僧錫京行廊廡蕭然徘徊而還

上國僧遊去山門日自開
紺園依綠草畫壁上蒼苔
谷暗猿初斷林空鶴未回
惟餘舊童子笑問客何來

秋江送客

殘柳綠依依離樽對夕暉
斷鴻隨去棹落葉映行衣
楚國烟中盡淮山鳥外微
宦遊終在客晚歲早言歸

送人使邊

漢節下青冥邊人望使星
繡衣辭鳳闕驄馬入龍庭
雪淨冰天綠春回塞草青
須令月支長函表到王庭

老將還鄉

百戰解重圍三邊受鐵衣
蕭條關塞別迢遞故園歸
舊業春苗長青山白髮稀
獨憐閒夜夢猶繞羽林飛

夜寒曲

霜葉冷飈飈鴉啼井上樓
轆轤哀響斷蟋蟀夜聲愁
繡被蘭香減銀燈挂影流
相思紅燭盡敲碎玉搔頭

暮秋太常峰掃松楸

迢遞孤峰裏含情對古丘
苔碑空鳥跡山葉帶猿愁
野

燒泉門夕寒花隴樹秋臨風一澆酒回首淚雙流

梅江送林中洲歸

不羨魚羹飯寧甘苜蓿香小齋隣蟹舍曲几近蛟房別
路分沙堰行衣受海霜到家看舊竹涼月滿橫塘

廣陵懷古

海門潮落見瓜洲雲樹蒼茫馬上遊千里河山歸禹貢
百重煙水入淮流蕪城積夢瑤花月隋苑傷心碧草秋
二十四橋人靜後為誰還倚木蘭舟

用韻答林大

正爾交情似海深不堪離別淚沾襟
幾回見雁思鄉信千里移家共客心
新酒黃花連夜榻西風寒葉響秋林
天涯共住同蕭索莫惜逢人寄遠音

答梅江陳以方

先生清隱謝浮名數畝山田也自耕
家近沙洲饒蟹舍客留鄉館有魚羹
寒山對酒同誰賞野寺尋鐘慣獨行
遙枉新詩問流落相思一夜斷猿聲

秋日留別劉大

十年分手隔山川乍見那堪又別筵
白髮醉看青鏡裏黃花飄近羽觴前
雙湖積水啼孤雁獨樹高原咽亂蟬
何事最關離恨切月明重語舊箏絃

其二

年少與君輕別離肯將清淚灑臨岐
那堪短褐飄蓬後不似寒窗剪韭時
遙夜客心懸絡緯隔簾霜影動辛夷
十年此會仍分手何得離樽復共持

梅城夜泊

澤國秋風旅雁飛
海天愁思正依依
孤城背嶺聞吹笛
白露橫江卧濕衣
砧杵遠村寒事早
市橋殘火夜漁歸
興來且醉梅江月
遮莫鄉原落夢微

行次海上

曉風吹酒動離顏
別路蕭條草樹間
積水亂流疑夢渚
一峰中斷似君山
雞鳴海曙寒潮小
雁引秋聲落葉閒
行李飄飄何處往
暮雲飛鳥倦知還

送友人流西源

鳳林關路遠悠悠惆悵行人過陝州
渭水寒流秦塞晚
灞陵殘雨漢原秋
玉門壁壘看應偏
白葦黃榆夢亦愁
江海同人今已盡
南冠何事到君頭

白雲庵

白雲深處舊岩扉
苔蘚蒼蒼一逕微
翠壁紅泉分鳥道
石林精舍挂僧衣
三峰月出聞猿斷
五粒松香見鶴歸
今日置身丘壑裏
了然心地發清機

寄劉三知已

客居風景似湖南長羨山中酒共酣
歸夢幾回梧葉雨懷人多在菊花潭
空林野雪閒相待魏闕青雲遠自慚
聞說茂陵仍卧病獨將心事問誰堪

擬王摩詰積雨輞川莊上

石林迢遞輞川斜積雨烟空見槿花
翠壁紅泉分鳥道白雲芳草半人家
幽蘭柴口朝行藥淺石沙邊暮浣紗
纓冕向來真外事欲從隣叟夜燒畬

送王董教歸沔陽

祖道黃花白露寒，江亭澆酒悵離顏。
鵲鴿共向沙頭別，鴻雁分飛雨外還。
夢渚雲開三峽水，漢陽帆帶五華山。
泮林此後應相憶，莫遣音書滯楚關。

孟夏山居

卜居曾費買山錢，林下蕭條屋數椽。
絕澗垂蘿時見瀑，綠槐殘雨晝聞蟬。
潭邊鹿過疑盤谷，嶺口人看似輞川。
自是幽棲無外事，閉門閒讀養生篇。

金史卷之八十八
卷二百九十八
擬唐韓君平送長沙李少府入蜀

世路何如蜀路難
臨歧誰不悵離顏
湘潭騎影寒流外
巫峽猿啼夕照間
夜火錦城江上驛
暮雲劒閣鳥邊山
秋來應有相思夢
莫惜音書寄往還

寄博羅林董教

石林祇樹隱層阿
却向空門奈別何
殘燭夜深泉影盡
離筵賓散月明多
還山逸興休魚佩
避世閒蹤卧女蘿
城郭雲林從此別
曉鐘聲裏唱離歌

秋過紫雲洞

仙源迢遞紫雲間，逸興逢秋偶獨攀。
遼海鶴歸空夜月，瑤臺人去但荒山。
苔邊積水流天鏡，鳥外遙峰點翠鬟。
石竹房中孤磬晚，此身那似野僧閒。

二喬圖

雙娥嬌掩為誰顰，反被榮華誤却身。
回首東吳何事嘆，野烟寒水更愁人。

春山欲雨圖

寂歷青山靜賞機
野情那似宦情微
抱琴欲渡湘江去
雲暗蒼梧雨色飛

雪灘鷓鴣

北風吹雪度河關
家近瀟湘夢亦閒
猶勝銜環舊時雀
孤飛正在紇千山

早寒

客舍迎寒獨未歸
白雲鄉樹遠依依
西風黃葉如相識
故向山陽笛裏飛

臺城送客之廣陵

金陵樹裏送行舟二十四橋春水流
腸斷瓊花天上去
更無歌管下揚州

憶山中精舍

一從巾舄別林扃
清梵香臺夢裏經
遙想秋來風露冷
芭蕉抽葉幾回青

野航風雨

楓樹蕭蕭野水西
楚天雲雨正淒迷
滄江欲暮風猶急

誰泛扁舟更出溪

送人歸蜀

蜀棧凌雲不見行
劒門煙樹最關情
君家正在魚鳧國
出盡平川是錦城

題秋江待渡扇面

孤庭楓樹暮江頭
何事匆匆逐去舟
莫向瞿塘灘下過
兩崕明月斷猿愁

折荼蘼

手挽長條刺拂衣淡黃踈白共芳菲
五陵年少無拘繫
落盡殘香未肯歸

碧筩飲

翡翠盤深瀉綠波曲莖微滲藕香多
寄言河朔流連飲
莫把黃金鑄綠蘿

雨後秋山

遙天雨過亂山蒼千樹高原葉盡霜
惟有西風松柏裏
白雲深閉野僧房

客中見新雁

西風初別塞垣秋迢遞分飛楚水頭客裏心驚那忍見
故園兄弟益關愁

林應聘跋云王典籍草澤狂歌向未登木徐惟和
得自張海城先生不啻若拱璧然乃抄錄未竟而
逝予藏篋中不忍閱視傷人琴之亡也頃慮散佚
強泪抄成仍送之綠玉齋以成惟和之志蓋亦効
掛劍徐君云爾萬曆壬寅秋七月志尹氏題

附唐泰

寄林七欽

千里一為別思君遠更親
雲霄心獨倦江海業長貧
古道迷黃葉寒汀覆白蘋
秋風如有待歸計欲垂綸

過黃玄之山居

半生流落意相見但依依
卧病看春盡愁心對客稀
砌花飄磧戶畦藥映園扉
莫怪頻來此滄洲興不違

訪陳逸人

久別頻相憶知君獨掩扉跡留塵外遠春向夢中歸幽
戶寒苔淺深花暮鳥微近來詩酒興翻與故人違

送王秀才偁之春官

同遊冠蓋正紛紛南國才華獨數君名列上庠深問道
年猶弱冠解攻文秋齋燈影花深見晝幔書聲竹外聞
共喜窮經過伏勝誰能壯志泰終軍扶搖已縱圖南翮
腰裏仍空冀北羣路向吳關飛朔雪朝趨魏闕靄春雲
華裾想接金門侍野服將令社客分何處高吟可相送

冬青葉落岳江濱

過賈誼宅

聞君放逐此淹留
獻納空懸漢室憂
舊宅獨臨湘水遠
遺文曾弔屈原愁
青楓極浦烟光晚
白鳥空江樹影秋
西望不堪懷古意
欲因歸去卧滄洲

石倉歷代詩選卷二百九十八

欽定四庫全書

石倉歷代詩選卷二百九十九

明 曹學佺 編

明詩初集十九

陳亮

秋日登御風臺

雁峰有高臺西望近林巔乘閒一展眺舉步凌絕頂秋
高灝氣肅風物漸淒冷寒蛩始發聲過雁有遺影惟時

收穫竟遠目足馳騁北海澄不波西山碧逾淨蕭晨感
搖落賞玩愛清景未結塵外遊即此足幽屏

古意呈陳漢臣

鬱鬱澗底松離離原上草春風一吹拂秀色相映好金
商行素秋滋蔓已枯槁大材終不凋且向巖壑老娟娟
孤生竹托根在別島枝榦苦不長風煙莫能掃寒暑更
代謝霜雪正傾倒相期抱幽獨貞堅以為保

秋日感懷

白露下庭樹忽然天地秋
蕭條海上望愴惻令人愁
世路日梗紛干戈滿中州
王業豈不廣居然如綴旒
嗟彼徇名人尚愛關內侯
南琛效職貢盡逐滄溟舟
印綬何纍纍報國無良籌
獨有雲臺子深懷感額憂

遊瑞巖

古磴入幽洞危亭俯層巔
昔聞魑魅居幻作毗率天生
平愛竒觀雙屐勞攀緣安知窮海陬有此佳山川
涼秋天宇晶四壁無浮煙憑高送遠目海色清無邊
開筵薦

金剛經疏
卷二十九
芳樽拂石看名鐫登臨愜素賞感際傷華顛一丘志未
酬百慮紛相牽日夕返吾策高懷徒悵然

夏日過石首簡天石老禪

世累日多門馳驅厭塵雜駕言尋招提雙屐蚤已蠟霜
餘葉盡飄回首見孤塔入門謁金仙鐘鼓響鏜鏘吾師
投迹久終歲一舊衲曾從大方遊已悟世外法深居行
無取問語終不答竹影覆經房茶煙繞禪榻天寒日苦
短千嶂夕陰合笑別虎溪頭松風起蕭颯

奉別吳志亭先生

澤國鴻雁集衡門風雨深齋居抱行素惻惻感秋吟久
懷延陵風高駕幸過臨惠然襟期合孰云曠難尋既潔
樽中醪載拂牀上琴無言一會易賴寫千古心憶昔傾
蓋時游集多朋簪臨觴忽不樂感舊復慨今盛時不重
來白髮苦相侵斯文恐將墜勗爾道自任三江多蘭茝
地古饒雲林政望信修阻尚憶金玉音

冬日遊嶼南登龜石賦詩貽同志

疇昔過茲鄉駐馬望龜石蹉跎兩鬢華始作登臨客是
時冬向深氣候未蕭瑟追隨得良友周覽訪竒跡浮雲
散輕陰日霽見海色千巖含暮景湖影浸空碧郊原紛
綺錯左右羅第宅向來多賢豪聲譽何籍籍良辰作佳
遊此地幾登歷我來一感慨俯仰視今昔落日松風生
遲回景將夕

陪徐汝澄元暉元中張宗獻陳彥初諸君飲陳
太真湖亭順泛滄洲磯遊三山書院沿郭西

而歸同賦

白日照湖曲嘉樹藹芊芊開筵眺麗景卷幔俯晴川
遠岫列蒼翠芳洲紛眇綿揮觴觀魚鳥寫興吟蘭荃落日
舉輕櫂幽情期賞延沿淮入空濶望盡雲霞天天際見
新月城頭生暮煙預愁鼓角動飲散各言旋

秋日訪董伯元于玉溪李子麒招飲得吟字

久別乖致書暫喜能盍簪訪舊獲新益式契求友心半
生紹箕裘常恐力不任栖遲就荒陋孰使殷憂深溪光

湛虛明露氣浮高林
虛齋坐超越庶以開煩襟
杯盤勞親朋幽賞難重尋
聊持合并樂寫作清夜吟

高彥恢適安堂

即地可棲遯何必遠
結廬作堂依故宅
聊以適起居青
青映戶庭嘉木羅且敷
圖史積左右日與文士俱有時
風日佳行吟步前除
蕭散咏樂情暢然形神舒
用世豈無心出門畏嶽嶇
優游保貞素庶得遺毀譽

澹虛亭為何明府作

結宇臨清曠賓客日過從有時抱幽獨深覺心賞通霽
月澄清景微雲含水容羣動喧已寂衆色望俱空了與
世氛遠豁然心境同冥懷信足樂王事徒勞衷何日拂
衣去高攀陶令風

六月初七夜與嶺南族中長少二十二人乘月
泛西湖示諸同遊

落日動高興輕舟過碧潯方欣齊橈樂復惜羣山陰時
愛波上月清光猶未沉乍離洲渚淺稍入蒲荷深花香

襲人衣水風涼我襟杯行吸素彩曲度飄清音繁華不可再新賞良在今

再送唐進士士昭之京

鷺鳥刷勁翮志欲凌九霄神魚鼓巨浪豈憚禹門遙十年磨干將試用在一朝學富名早著才高擢宜超衰年辱見知聽言生風颭將期白首好無奈青雲招春風吹江水草色滿河橋追攀不可及佇立送行鑣

秋暮懷劉宗魯

海國別來久長懷瓊樹枝閒齋坐幽獨悵望秋風時自
非物外人邈焉難與期空傷綠華歇坐惜白日馳徘徊
孤月明愴惻蛩聲悲對此更愁予勞歌空爾思

田園感興

近宅數畝田種秫仍種秔三時力農事幸見秋禾登大
兒能了官輸租先入城小兒方能學稍長還願耕不喜
兒孫多不願倉廩盈所願薄稅歛庶幾家業成

壬辰春淮南有警報元帥吳公首議築城求故

址劉氏祠堂在焉傷其毀拆慨然有作

湧泉門北湖西偏劉公祠堂垂百年華榱傑棟壓湖曲
老榕脩竹摩蒼烟羽書昨日淮南至官司已卜城濠地
毀垣拆屋行見嗟累歲經營旬日廢風亭月榭一時空
回首舊遊如夢中更說當年樛里子誰令卜宅近秦宮
題畫竹

王維遠矣蕭郎死墨竹古來俱可數自從老可出湖州
世人始信前無古此圖高古不知名欲與湖州相抗衡

森森矛戟自相向
浙浙枝條如有聲
高堂素壁時張掛
瀟灑渾疑却炎夏
莫言無地種琅玕
自有清風滿圖畫

悼犬行

沙村月黑無人行
猛獸咆哮繞舍鳴
時來攫取村中犬
突入籬落居人驚
韓盧烏喙誇疾足
平地寧知罹虎毒
十家九室無吠聲
更恐穿牢噬黃犢
君不見岑君昔在
魏郡時吠犬不驚
足生毳又不見九
江當年有循吏羣
虎渡河俱遠避
方今政美時復平
那得此物來縱橫
誰

能驅屏入窮谷却使騶虞地上行

雪山歌送人宰蜀邑

西山巖薛連雲起東望錦城如井底四時積雪不曾消
春來盡作巴江水郎官未識蜀山川馬首西行如上天
歸到琴堂長對雪益思美政答豐年文翁舊化今如夢
期月應知藹絃誦蜀人解道杜陵詩盡說公來雪山重
戲簡彥衡彥賓昆仲兄客陸庄弟客鎮石

陸渾庄畔多芳樹舊識德成巖下路書堂正對大溪頭

猶是伸蒙舊居處讀書何必傍溪山書編幽興自相關
亦知林下雲泉好應恨隄中日月閒客衣未垢寧辭浣
湖上月明隨往返却憶惠連深下帷一去不知春事遠
近隄蒲葉已含滋五日歸心豈肯遲預拂東林松下石
與君長日話襟期

送林孔逸從軍北上

脫却縫掖衣更結曼胡纓安能鬱鬱事筆硯男兒本自
重橫行越王山下秋風起塞北此時嚴保壘皇家選士

重防秋迢遞征途從此始從軍莫問所從誰抱藝懷才
無不宜籌邊亦自有奇策專事弓刀徒爾為此行壯氣
何激烈酌酒送君那忍別萬里封侯非所難玉關功成
須早還

賦得萬石岡為宗獻劉君作

蒼山西行爭駿奔衆峰獨有籌峰尊連岡坡陀走平陸
參錯萬石如雲屯我疑秦人鞭石走來與人間作崗阜
又疑仙子遺羊羣有形猶似猛獸蹲乃知元氣自凝結

異狀竒姿紛突兀秋風不掃白雲根曉霧長迷玄豹穴
曾聞山下有高墳彭城餘澤多子孫聲名能與崇岡並
他日當為萬石君

代賦野堂詩

白沙深淺映叢篁中有幽人卜草堂
繞屋晴波浮鴨綠近隄新柳拂金黃
芳洲水滿鳬鷗集曲岬風來杜若香
小艇繫籬間不釣青山當戶澹相忘
幽居豈必巖栖遠涉世何如書味長
龐德只將安遺子馮唐不覺老為郎

牀頭古帖從人借
缸面新醪約客嘗
誰道沽名高世俗
懸知得趣在林塘
勝遊屢接湖山賞
晚學難追翰墨場
時得抱琴彈夜月
濯纓遺曲和滄浪

答林兄宗正同寓邑之溪上

自有當年約宜開
此日襟相逢秋葉盡
共話夜燈深疎拙
緣多難遲迴負寸心
懷君吟嘯地圖史
滿東林

寄道士陳芝山

客舍重相問仙標
見轉難一年秋復盡
兩地月同看宮

巷聞絃誦霞洲想珮環聖朝方急士莫倚是黃冠

晚春閒思

門巷客來稀閒居靜掩扉微風花自落細雨燕雙飛
向曉披遺帙迎暄換袷衣年年此時節惆悵送春歸

九月節後希石林公邀遊西巖分得湏字

佳色尚未遠登臨興不孤秋風吹遠樹暮色滿平蕪
白髮題詩懶黃花汎酒湏幽棲終未果即此寄歡娛

題洋江林彥禎所藏洋江春晚圖

金
卷一百九十九
江上曉來晴春波鴨綠生山雲半斂色汀芷盡含榮野
艇乘潮去官橋隔岬橫亭中舒眺者猶有愛鶯情

滄浪清隱

我愛滄浪水千尋見底清月明三島近風定一波平清
隱將遺世垂竿不釣名何時歌鼓枻相就濯塵纓

夜泊古崎

寒山夜蒼蒼清猿數聲響風生蘆葦鳴水落洲渚廣月
出擁潮來時聞人蕩槳

贈延平王指揮

將軍英年負才武坐鎮閩藩樂風土旆拂九華峰際雲
帆開雙劒津頭雨太平不復事刀弓對酒投壺如祭公
勝遊隨處題名在何必燕然紀戰功

寄陳叔起時在永嘉不歸

閩南一別幾經秋林館鶯花憶舊遊過雁不堪頻北望
滄江無奈自東流風塵冉冉逢人少江草萋萋向客愁
白髮丹青應更好何時飛翰寄滄洲

擬咸陽懷古

羣山迢遞走咸陽王業當年此地昌
天府首開秦社稷金城今作漢封疆
澠池北入河流去軹道西連草樹荒
故苑離宮何處是空令詞客弔興亡

代送林童子恩榮學道之延平

一棹夷猶上劔津煙霞樓觀可棲身
雲山漫漫空傷別野鶴昂昂已出塵
溪路梅花千樹雪仙家瑤草四時春
他年鍊得金丹就持向高堂壽老親

奉寄高廷禮時求賢甚急高且講學編詩不暇
壯遊心事已蹉跎寂寞扁扉似養疴秋盡却看來雁少
暮愁空對遠山多頻傷白露摧蘭蕙獨羨清風滿薜蘿
見說新編又超絕近來衡鑑復如何

附鄭定

渭上觀獵

草折渭門霜蕭蕭獵氣黃飛弓秋萬里縱馬日千場
鷗霧藏沙迴鷹風入樹長將軍驕意氣射殺白河狼

高郵女兒歌

高郵湖水清且幽高郵女兒能盪舟十八梳粧好高髻
二十嫁夫長遠遊青菱鏡破寶釵折翡翠衾寒疊香雪
芳草王孫去不歸蟋蟀啼處秦樓月樓前楊柳飛絮多
門外蛛絲成網羅高郵湖水增夕波高郵女兒將奈何
送僧遊五臺

浮雲心迹應無住臘月逾淮上五臺寶地近臨天界上
佛香遙度雁門來山中別友惟留偈雪裏逢人只寄梅

此去安禪高絕處舊遊知不憶天台

伏波祠懷古

荒祠衰草已淒然猶有邦人話往年銅鼓苔生秋雨後
宮墻花落夕陽邊竹書早著平蠻策沙井空餘飲馬泉
詞客經過休感慨雲臺麟閣總寒煙

石倉歷代詩選卷二百九十九

欽定四庫全書

石倉歷代詩選卷三百

明 曹學佺 編

明詩初集二十

王褒

中秋文闡讌集

盛時屬文運俊乂期登庸三載薦多士四方羅文雄
曉茲九秋半氣候何空濛嬋娟出東嶺浮雲歛層空
闡棘

今夕會折桂此時同華堂入夜開展席來相從流輝照
尊俎微寒薄簾櫳柏臺共濟濟薇垣獨雍雍主醉樂且
多賓迴興未窮攬衣望霄漢炯炯明光宮人坐辨天上
鳥飛疑鏡中合并不盡歡佳期諒難逢洗杯濯清沼移
榻當修桐倒傾殊未已所思悟其終徘徊一分手千里
入飛蓬飄飄望南陌別過東城鐘

古意

湘江江上樓有婦彈瑩篴試絃一再彈遲遲聲且柔情

繁指轉急曲長心難收一曲未及終淚下如迸流憶昔
始學時晝夜為淹留擬將知音託百年叙綢繆誰謂知
音者如何事遠遊朱顏能幾度青陽倏五週遺譜不復
理疎絃已終投所思在天涯望望江上舟東風昨夜至
春光滿汀洲強整昔時歡徒增今日愁願因東風翔吹
落古交州夫壻馬上迴聞之應白頭

送按察使周志新之浙江

錢塘古雄藩川陸走四方第宅富而麗士庶材且良戎

衛夾郡縣簿書垂篋筐翼翼風紀重獨立振宏綱夫子
南海彥早登君子堂金石棘寺評冠冕柏臺行繡衣明
旭日玉節嚴秋霜儀表動朝著丹鳳鳴高岡滇池萬里
道攬轡夷獠鄉坐見歲月間化絃日以張再蒞東南政
才高行彌臧致遠識騏驎蟠根別干將鬱鬱吳山秀湯
湯秀水長令聞與之俱千載期不忘

湖南田舍為上虞沈庭珪題二首

藹藹湖中山迢迢湖上路田家大湖濱三五亦成聚朝

耕湖上田暮喚湖上渡
穉子遠相迎牛背掛農具
今年喜有秋不為租稅懼
牀頭釀茆柴取醉羅粟芋
相看桑麻長焉識簪組誤
縣門久未行且樂成嫁娶

其二

湖山護人家烟火隔籬落
愛此湖田肥生產願自託兒
孫日長成努力趁春作驅牛
耕遠郊牽犢鋤近郭農事
喜及時秋收聊可度積穰登
倉箱餘粒飽鳥雀村芻有
濁醪莫負隣翁約笑爾東西
人誰識田家樂

陳坤奇耕讀軒

湯湯北溪流渺渺綠洲遠烟火隔疎籬牛羊牧長阪我
屋日綢繆我土日耕墾耒耜有時閒簡編可舒卷清晨
望東臯回首西山晚甫田帶經鋤細雨倚書飯聊思教
子孫末俗笑予褻簪組非所榮古道在務本

題新安汪子容壽藏卷

人生草上露回首日已晞顧非金石姿焉用千載期昨
夜高堂歡薄暮南山陲絃歌聲未歇涕淚沾裳衣達人

貴知命常用此道推樂丘事已卜哀挽情亦悲我生諒
如寄九原行當歸開樽面息所不醉復何為

題南康翁教授匡山讀書處

海國橫秀氣茲山鬱嵯峨羣峰青天半倒影凌滄波匡
裕古哲士結廬層巒阿遺構委蔓草巖扉長蓬科我來
屬杪秋攀躋興尤多樓觀出林表石磴穿松蘿琴樽落
葉下衣袂浮雲過羣籟起天末長風振寒柯手招謫仙
人宴坐朱顏酡細讀紫陽碑莓苔共摩挲懷古訪陳迹

賢達知幾何愧我山野癖歲月徒蹉跎夫子金閨彦侯
庠賦菁莪散襟發逸思策杖仍長歌夔龍鳳池上珊珊
振環珂終當拂衣去接武金鑾坡

題秋林泉石圖

高林頗深邃遠洲亦縈紆風景一何異中有賢者廬陽
崕落日明陰礪浮雲虛耕塋見秋火扣舷聞夜漁竭來
塵網中機務日相拘念茲膏肓疾愧彼泉石圖抱拙謝
簪紱養素宜琴書俯仰天宇寬所樂恒有餘

題壁水瞻雲

征鴻度南浦
慈烏號北林
白雲仍在目
惻惻思難任
雲飛滄江上
日夕歸故岑
高堂曠千里
倚門望彌深
孝子愛寸晷
哲人惜分陰
百年顧云邈
歡樂當在今
綵袖時獨戲
板輿日同尋
願同白雲飛
條爾諧冲襟
瞻雲念白首
捧日秉赤心
狄公播英名
價重雙南金

送友歸故園

凌晨石渠集
步出西上門
條聞同懷友
優詔歸故園
堤

上金明枝裊娜春日暄折之贈行色鄉思隨紛紛夜來
沙陽月照君林下尊攬衣鶴為舞染翰禽能言雖云隣
局歡當念王程煩早拂季子衣休望西山雲

南昌章叔明溪隱

冥心壓塵鞅遁跡清溪流竹下坐垂釣柳邊繫孤舟野
逕入沙際到門有白鷗夏雨夜來過微茫望滄洲取醉
倒濁醪茅齋日淹留長歌滄浪曲詎為名利謀機杼隔
籬落牛羊下林丘衣食聊自足安命復何求

刑部魯員外富春山讀書處

泊舟富春渚躡屩富春山荒臺見遺構下瞰滄江寒中
有績學子辛苦服儒冠岩扉入松柏猿鳥時往還掃榻
落葉下捲幔浮雲間橫經對秋月遙音薄林巒豈謂耽
章句斯道常先難竭來千載餘翱翔賢士闕持節出烏
府典憲佐秋官南山宿霧姿文采何班班高岡鳴陽侶
九仞雲遠翰值此明盛時玉珮聲珊珊矯首讀書處烟
蘿邈躋攀巖陵客星隱清名滿人間出處雖異途我心

求所安

題李將軍麓峰讀書處

爾祖謫仙人讀書匡山陰偉哉雲仍孫千載同此心
嵯峨麓峰色下瞰湘江深石逕入烟篠岩扉閉雲岑橫經
羣猿下散帙雙鶴臨掩耳魯生召抱膝梁甫吟松際一
片月照君石上琴七絃引遐思清響生虛林聖代堯舜
治夔龍共招尋干羽觀苗格簫韶放鄭淫分符辭北闕
錫帶垂南金佇看文中賞遲爾瑤華音

題叅議李子華林泉書屋

開軒睇幽邃散帙當清漪愛以君子屋重此林泉姿空
翠散瑶席輕流度華池牙籤插高閣萬卷光陸離逍遙
絃頌暇魚鳥忻相隨俗慮澹若忘談笑無厭時早逢雍
熙治文雅久見推歛起掌帝制兩籥賴網維濟濟夔龍
侶接武赤玉墀東觀多羣籍西清聘雄詞瑩如玉壺冰
燦若瓊樹枝茗溪增秀色天目含清輝黎庶待拊字丘
園寧睽違寄聲考槃澗白首以為期

攸縣周克已交翠軒

夢逐春陵雲手探濂溪水溪迴氣若合萬頃清無底雲
間無極翁白髮垂兩耳青蓋駕蒼虬顧視啟玉齒黃卷
千萬言大道直如矢循環造化機日月無停晷采華掇
桂英飡腴窺石髓邃谷珮獨聞層崖杖恒倚覺來戶牖
空階除翠交委高樹移繁陰閒花落輕蘂晴光散疎簾
春色侵淨几端坐物意多萋萋望中是

題王振之思親卷

君子有所思所思良獨難
高堂在何許九原路漫漫
食祿不待養衣錦誰為歡
良宵四五起中情詎能安
春至霜露零秋深風木寒
感茲歲華改惻愴顏心肝
宦轍天一涯顧盼形影單
努力播芳馨期以垂不刊

題邊汝賢素庵

天地一逆旅我身兀如寄
夙乖華艷姿獨抱冲漠志
茅宇對詩書衡門絕車騎
養素無外營林泉引深契
青黃木之災錦繡犧牛累
人生安賤貧所樂在適意

題陸有孚山水圖

遠山白雲裏近山青天上樓觀何巍峩金碧鬱相望石
塘照縈紆平林見空曠謾拂渡橋鞭且憇沿崖杖良時
趣自隨佳境意足暢奈此行期促丹梯當再訪

聖孝瑞應詩

扶桑倒影掛靈谷緇衣翩翩下天竺銀潢萬里涵輕春
遙見真人調玉燭法王樓閣中天開寶幢斜倚瓊瑤臺
回頭笑指祇園樹昨日恒河沙上來九重垂拱羹牆面

卷却龍章向深殿
鼎湖烟雨泣烏弓
漢宮蘭膏掩妝扇
璧月玲瓏雕玉簾
佛筵挂影夜纖纖
祥光萬丈照貝葉
天花五采垂層簷
梵音萬口海潮小
三十六宮管絃繞
松枝膏露甘可飡
覆地瑞雲晄率曉
大孝曾聞四海歌
慈航西駕滄溟波
又聞嵩山萬歲祝
龜書馬畫清時多
熙熙化日長如昨
十五階蓂生復落
康衢黃髮笑自如
何事流沙尋極樂

題道士林栖霞碧蘿猿洞

溪上垂蘿幾百尺石洞陰陰悶長日昔人學道居其間
塵世紛紛未嘗識白猿一嘯下青山藥瓢丹竈共往還
岩扉自掩明月上石牀不掃白雲閒伊誰尋真百年後
道機通玄七閩秀寶笈仙書入夜觀鐔津霞氣臨晨漱
秋風嫋嫋吹綠蘿猿聲時答步虛歌明年買棹七峰雨
洞天雞犬知相遇

古洞閒雲歌為莆田笑庭訢上人賦

古洞深幾許閒雲日來往惟應空門居相知愜幽賞笑

庭上人不
出山身比
浮雲閒更
閒松間石
榻日應掃
花底岩扉
時自闌紛
紛郁郁古
洞口白衣
條忽成蒼
狗細觀色
相了無蹤
真空境界
那能有雲
來碧峰夕
雲去滄江
陰上人笑
傲自無心
知向白雲
深處尋

送陳校官之漂陽

春歸殘臘
裏行色在
孤舟山入
毗陵翠河
經漂水流
青檀寒榻
共絳帳夜
燈留時雨
諸生望休
過太白樓

送無為知州鄒以信

一麾新出守五馬獨專城啼鳥留吟珮垂楊引別旌青
山雲外見綠野雨中耕千里畿內行人播政聲

送僧還莆田

都門相送處無奈柳條長咒引天花落經翻貝葉香浮
杯吳水綠飛錫海天蒼後夜涵江月應期到上方

送林德八成均

羨君年最少夙有子雲才駐馬看吳苑聽鶯望粵臺寒
聲林外落暝色雁邊來惆悵離亭思惟多白玉杯

送陳德剛歸莆

近得鍾王法才華世共稱
劒鋒看舞女筆陣笑狂僧
散帙花前席鳴琴竹裏燈
石渠成遠別白下酒如澠

送湘鄉令王子材

玉堂寒月白吟思在長沙
作令時爭譽新詩衆共誇
漁家連島嶼川路入桑麻
煩寄江南信疎梅已著花

送王界善首座還莆

遠公京國久飛錫日邊還
雙樹行時見三花坐處攀
浮

杯滄海度定室白雲關何日辭軒冕來尋物外閒

養蔬四首為漢府教授王先生作

微雨朝來過園蔬取次看韭芽欣土暖芥莢怯霜寒畦
理高低種厨供旦夕飧莫嫌藜藿舍金玉試春盤

其二

睡起應行藥羣畦喜有成銀茄星錯落金薤筆縱橫薑
掌香生饌葱芽寸入羹南窗時一飽未數五侯鯖

其三

雲生花裏逕雨泛竹邊渠積水收菰米編籬護土酥堪
嗟漆園馬誰憶李鷹鱸王業幽風舊殷勤叙斷壺

其四

御冬當旨蓄應得治芳園掛壁藏新種培泥擁宿根萍
蘼憐鳳災玉糝詫熊蹯擬作冰壺傳雄才獨討論

寄唐進士震

我憶京華侶經年意若何別深鄉思減客久物情多淡
月回銀燭踈鐘帶玉珂青雲如可及傾蓋一相過

送友人之京

銀缸盛美酒江上送君行
共惜孤舟別那知幾日程
闕寒逢斷雁宮曙聽新鶯
早獻金門策休論漢賈生

題雪景圖

高閣凝雲閉虛窗帶雪開
鳥寒空辯鷺樹暝總疑梅
遣興惟詩句銜情祇酒杯
遙知函丈下已遣二生回

題綠柳紫燕圖

綠柳夏依依差池玄鳥飛
蹴花隨別騎銜絮點征衣
隋

渚晴烟暝章臺夕照微
衡門相托久應傍主人歸

挽徐母施氏

極目烏程路高堂旅櫬歸
音容芳樹遠心緒片雲飛
別淚茅生饌荒塵萊子衣
青山佳兆在寂寞掩春暉

元夕觀燈應制

魚鑰春開虎豹關五雲星斗近
天顏絳河月濕金盤露
火樹香分玉笋班
鵲漏傳花外觀
蓬萊仗列海中山
萬方樂事同元夕
恩賜千官十日閒

送裴孝感歸省

都門霜落雁南飛
官舍蕭條獨憶歸
淡月疎星辭帝闕
亂雲高樹近親闈
明對酒心猶好
杜甫能詩趣不違
聞說邑人相候久
高堂莫戀老萊衣

采石江上元夕簡武昌周博士臨湘李驛宰

朝回無處不淹留
元夕江干繫去舟
九奏簫韶天上聽
千家燈火月中遊
然犀壯志空流水
倚馬長才見故丘
佳節謾勞傷往事
百壺堪醉鷓鴣裘

送張指揮

龍虎旌旗度朔河羽林諸帥擁天戈
銀潢淨洗刀兵氣玉壘窮搜虎豹
窠萬里山川傳駐蹕九重日月共鳴珂
邊庭不用防秋計沙漠如今總漢歌

送曾太守之官

誰言五馬共翩翩百丈維牽水上船
故吏青山開候館遺民綠野趁春田
頌聲遙播啼猿外歸夢長隨落雁邊
聞說潁川曾入相知君未必讓先賢

次鄭校書左掖聞鶯之作

白頭著作丈人行左掖聞鶯有短章委佩乍分花外仗
停驂歸滯柳邊牆謫仙老去鄉心切賈至才高野趣長
自笑雲泥蹤跡異無因傾耳接飛觴

送匡行人顯回京師

儒冠歲月易蹉跎孤館相看奈別何匡裕棲遲名獨盛
王猷落魄興偏多流鶯高樹雙壺送積雨長江一棹過
自笑烟波為客久陽關休向醉中歌

送教諭陳廷傑歸湖口

臘月江頭送季方北山飛雪撲離觴
匡廬樹影吟邊近彭蠡江聲夢裏長
晚歲重瞻堯日月清時獨擅漢文章
春來多少南歸翼毋惜題緘寄玉堂

陳主簿稔過宿賦答

君門已許解朝衣此後相期過竹扉
池上青山留客醉郢中白雪和人稀
雨晴閒館花空落月上層城鳥倦飛
明日獨懷乘興地不堪愁思更依依

送陳生溫陵省親

問君何處拜庭闈
海國蒼茫去路微
洛社舊遊同北望
溫陵積夢獨南歸
春行樹外空聞鳥
夜坐花邊靜掩扉
轉向高堂思綵服
雲山惆悵與心違

贈道士陳清隱

琳宮遁跡學無為
姓字休勞世上知
廬阜遠公蓮社別
鑑湖賀老酒船期
石牀花落因風掃
丹竈雲深近水移
幾度釣天聞九奏
餘音半入步虛詞

送校書陳秀才省親

都門雨雪正霏霏
馬上雙壺送獨歸
闕下馬周留客邸
郡中潘岳訪親闈
萬花島嶼春移棹
五柳郊原晝掩扉
霄漢朋遊總知己
此行休戀故山薇

題劉儀部山水圖二首

江城四月見更生
岐路勞勞慰別情
秉筆南宮詞獨擅
盍簪東閣酒同傾
白雲舊業燈前思
青鏡流年客裏驚
自笑萍蹤也如此
悠悠書劒謾題名

其二

誰作丹青慰壯遊，瀟湘風雨謾淹留。
雨深遠渚黃花夕，霜落平蕪白雁秋。
憔悴屈平應有念，才華賈誼自無儔。
騷人南去應腸斷，芳草寒烟不盡愁。

輓雲窩林處士

青山何處白雲窩，不見詩人掩薜蘿。
策杖誰尋盤谷隱，輟耕偏憶鹿門過。
芳蹊此日成桃李，野服當年製芟荷。
欲酹吟魂招楚些，寧堪灑淚客中歌。

輓詩

荒臺草綠鷓鴣飛
劒化龍津事已非
故國遺臣空北望
他鄉作客獨南歸
新祠海上經秋雨
舊業林間半掩扉
讀罷遺文腸欲斷
桐城何處一沾衣

題墨梅贈蘇上舍

翠屏山水雲香別
墅歸來月在牀
今日看圖詩興動
渾如東閣送何郎

夢作

楚山飛雨濕行旌
猶記臨岐唱渭城
橫笛江頭聞折柳
斷腸偏是別離情

過九江二絕似同舟諸游好

孤舟幾日別京華
望盡南天不見家
客裏相看須盡醉
江心何用泣琵琶

其二

層峰斷岬見涵城
風景依稀灞上營
最恨春來長是客
新鶯細柳不勝情

雨中齋居寄倪炯

空齋疎雨又黃昏
那復孤燈坐掩門
縱道異鄉常不雨
舉頭看月也消魂

夏日病卧寄同舍二三知己

獨憐卧病送殘春
說著春光惱殺人
把酒看花等閒事
布衣空惹陌頭塵

題高安朱少尹莆山書舍

林下橫門隔斷橋
溪邊草徑入雲遙
青山綠樹知多少

誰道書聲到市朝

題俞紫芝臨懷素千字文

昔年艤棹桐江道
草聖相傳紫芝老
長風千里吹夏雲
落日空山跡如掃

題唐馬圖

錦韉金鐸舞傾杯
驛路相傳換馬臺
零落黃塵鼙鼓歇
祇從圖畫識龍媒

石倉歷代詩選卷三百